

IZVJEŠTAJ SASE (JUNI 2011)

U junu 2011. godine na Sarajevskoj berzi-burzi ostvaren je ukupan promet od 13.775.378,19 KM, što čini 17,20% od ukupnog prometa koji je ostvaren na BH berzama. U sklopu 1.690 transakcija prometovano je 5.528.745 vrijednosnih papira..

EKONOMIJA

Federacija BiH je u periodu I-IV 2011. ostvarila izvoz u ukupnoj vrijednosti 1,818 milijardi KM, što je za 28,9% više u odnosu na isti period prethodne godine. Vrijednost izvoza za apr 2011. iznosi 474 miliona KM, što je za 18,9% više u odnosu na isti mjesec prethodne godine, a 0,2% manje u odnosu na mar 2011.

Uvoz Federacije BiH u periodu I-IV 2011. iznosio je 3,127 milijardi KM, što je za 21,5% više u odnosu na isti period prethodne godine. U aprilu 2011. ostvaren je uvoz u vrijednosti 858 miliona KM, što je za 12,6% više u odnosu na isti mjesec prethodne godine, a 3,5% manje u odnosu na mar 2011.

Procenat pokrivenosti uvoza izvozom Federacije BiH za period I-IV 2011. je 58,1% i viši je za 3,3% u odnosu na isti period prethodne godine kada je pokrivenost iznosila 54,8%, odnosno manji za 1,1% u odnosu na period I-III 2011., kada je pokrivenost iznosila 59,2%.

Učešće Federacije BiH u ukupnom izvozu Bosne i Hercegovine za period I-IV 2011. je 67,9%, a u ukupnom uvozu 66,9%.

Najveća vrijednost izvoza u periodu I-IV 2011. ostvarena je u području C "Prerađivačka industrija" u vrijednosti 1,567 milijardi KM, što iznosi 86,2% ukupnog izvoza. Najveća vrijednost u uvozu 2,655 milijardi KM ostvarena je u području C "Prerađivačka industrija", što iznosi 84,9% ukupnog uvoza.

U periodu I-IV 2011. najviše se izvozilo u: Njemačku 347,5 miliona KM ili 19,1% ukupnog izvoza, Hrvatsku 280,5 miliona KM ili 15,4% i Italiju 193,6 miliona KM ili 10,7% ukupnog izvoza. Izvoz u sve ostale zemlje iznosi 996 miliona KM ili 54,8% ukupnog izvoza.

U istom periodu najviše se uvozilo iz: Hrvatske 581 miliona KM ili 18,6% ukupnog uvoza, Njemačke 381 miliona KM ili 12,2% i Italije 299 miliona KM ili 9,6% ukupnog uvoza. Uvoz iz svih ostalih zemalja iznosi 1,866 milijardi KM ili 59,7% ukupnog uvoza.

Ukupan broj zaposlenih prema kadrovskoj evidenciji u mjesecu aprilu 2011. godine na području Federacije BiH je 440.419 osoba, što predstavlja povećanje broja zaposlenih za 0,1% u odnosu na mart 2011. godine. U poređenju sa godišnjim prosjekom broja zaposlenih u 2010. godini na području Federacije BiH došlo je do povećanja broja zaposlenih za 0,3%.

Prosječna mjesečna isplaćena neto plaća po zaposlenom za april 2011.godine u Federaciji Bosne i Hercegovine iznosi 814,97 KM. U toku mjeseca aprila 2011. godine došlo je do smanjenja prosječne mjesečne isplaćene neto plaće za 0,1%.

Prosječna mjesečna isplaćena bruto plaća po zaposlenom za april 2011. godine u Federaciji Bosne i Hercegovine iznosi 1.240,98 KM.

Osnovni pokazatelji	2006	2007	2008
Nominalni BDP (u mil. KM)	19.121	21.647	24.717
Nominalna stopa rasta (%)	13,0%	13,2%*	13,6%
Realna stopa rasta (%)	6,9%	6,0%*	5,4%
Stanovništvo (procjena, 000)	3.843	3.842	3.841
BDP per capita (KM)	4.976	5.634	6.435
Broj nezaposlenih (000)	516	527	493
Prosječne plate u BiH (KM)	575	645	752
CPI (Indeks potroš. cijena)	6,1%	1,5%	7,4%
Vanjski javni dug	21,2%	17,9%	16,7%
Izvoz (u mil. KM)	7.058	7.991	9.101
(stopa rasta)	26,3%	13,2%	13,9%
Uvoz (u mil. KM)	12.672	14.957	17.449
(stopa rasta)	1,6%	18,0%	16,7%
Trgovinski bilans (% BDP-a)	-29,4%	-32,2%	-33,8%
Prosj. kurs BAM/EUR	1,95583	1,95583	1,95583

Izvor: Direkcija za ekonomsko planiranje
*procjena DEP-a

SASE

Na Kotaciji kompanija je ostvaren promet dionicama u iznosu od 578.419,55 KM ili 5,19% od ukupno ostvarenog redovnog prometa. Na ovom segmentu tržišta prometovano je ukupno 44.225 dionica. Promet na Kotaciji kompanija ostvaren je dionicama emitenta "Bosnalijek" d.d. Sarajevo u iznosu od 578.419,55 KM, uz mjesečni pad kursa od 4,00%. Dionicama emitenta "Klas" d.d. Sarajevo, nije bilo zaključenih transakcija u junu 2011. godine.

Na Kotaciji fondova, promet ostvaren u junu iznosio je 4.335.340,30 KM ili 38,93% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "BIG Investiciona grupa" d.d. Sarajevo u iznosu od 2.391.004,72 KM, uz mjesečni pad kursa od 6,83%. Na drugom mjestu po prometu nalazi se emitent ZIF "MI Group" d.d. Sarajevo sa ostvarenim prometom od 580.984,89 KM, uz mjesečni porast kursa od 3,37%. Dionicama emitenta ZIF "Herbos fond" d.d. Mostar, koje su u junu doživjele porast vrijednosti od 1,02%, trgovano je u obimu od 520.463,70 KM. Na ovom segmentu tržišta prometovano je ukupno 851.234 dionice.

Na Kotaciji obveznica, promet ostvaren u junu iznosio je 2.774.680,34 KM ili 24,91% od ukupno ostvarenog redovnog prometa; od toga se obveznicama ratnih potraživanja Federacije BiH trgovalo u iznosu od 441.674,12 KM, sa obveznicama stare devizne štednje FBiH, ostvaren je ukupan promet u iznosu od 2.303.494,86 KM, dok je sa obveznicama stare devizne štednje Brčko distrikta ostvaren ukupan promet u iznosu od 29.511,36 KM. Na ovom segmentu tržišta u sklopu 670 transakcija prometovano je 4.318.016 obveznica.

Promet na Primarnom slobodnom tržištu iznosio 1.990.973,83 KM ili 17,88% od ukupno ostvarenog redovnog prometa. Najveći promet na Primarnom slobodnom tržištu u junu ostvaren je sa dionicama emitenta JP "Elektroprivreda BiH" d.d. Sarajevo u iznosu od 353.157,89 KM. Na drugom mjestu po ostvarenom prometu nalazi se emitent "BOR Banka" d.d. Sarajevo sa iznosom od 285.000,00 KM. Treće i četvrto mjesto zauzimaju "BH Telecom" d.d. Sarajevo sa prometom od 279.230,62 KM, te "Fabrika duhana Sarajevo" d.d. Sarajevo sa ostvarenim prometom u iznosu od 223.985,12 KM. Veliko interesovanje investitora vladalo je i za dionicama emitenta JP "Elektroprivreda HZHB" Mostar, čijim se dionicama trgovalo u iznosu od 195.933,10 KM.

Promet na Sekundarnom slobodnom tržištu iznosio je 1.439.421,17 KM ili 12,92% od ukupno ostvarenog redovnog prometa. Najveći promet na Sekundarnom slobodnom tržištu u junu ostvaren je sa dionicama emitenta "Elektro grupa" d.d. Jajce u iznosu od 905.000,00 KM. Na drugom mjestu po ostvarenom prometu nalazi se emitent "Intesa Sanpaolo Banka" d.d. Sarajevo sa iznosom od 272.200,00 KM. Treće i četvrto mjesto zauzimaju "Vodovod i kanalizacija" d.d. Konjic sa prometom od 108.330,20 KM, te "Pak Centar" d.d. Sarajevo sa ostvarenim prometom u iznosu od 17.928,00 KM. Interesovanje investitora vladalo je i za dionicama emitenta "Univerzalpromet" d.d. Tuzla, čijim se dionicama trgovalo u iznosu od 17.820,00 KM.

Na Tržištu za emitente u stečaju u junu ostvaren je ukupan promet u iznosu od 18.000,00 KM.



U junu 2011. godine na Sarajevskoj berzi bile su prijavljene 2 vanberzanske transakcije i 2 paketa dionica u ukupnoj vrijednosti od 1.514.811,00 KM.

Kod indeksa investicijskih fondova BIFX-a, u mjesecu junu, zabilježen je pad vrijednosti od 0,34%. Pad je zabilježen i kod indeksa Primarnog




Slobodnog tržišta SASX-30, čija je vrijednost pala za 0,84% u odnosu na prethodni mjesec. Vrijednost indeksa SASX-10 je zabilježila porast od 0,47% u odnosu na prethodni mjesec.

Objavljene su dvije tender ponude i to za dionice OPRESA D.D. SARAJEVO, simbol OPRSR. Ponudena cijena iznosi 15,42 KM po dionici, a ponuda je objavljena 14.06.2011. i važi 30 dana od dana objave. Druga tender ponuda se odnosi na dionice BIHAČKA PIVOVARA DD BIHAĆ, simbol BIPVR. Ponudena cijena iznosi 9,28 KM po dionici, a ponuda je objavljena 26.06.2011. i važi 30 dana od dana objave.

JUNI 2011	
Br. uvrštenih emitenata	534
Zvanična kotacija	2
Kotacija fondova	11
Primarno slobodno tržište	30
Sekundarno slobodno tržište	462
Emitenti u stečaju	29
Novo-uvršteni emitenti	1
Obustava prometa	5

STRUKTURA INVESTITORA**Promet po danima**

Indeksi SASE	31.05.2011	30.06.2011	%
BIFX	1.791,82	1.785,72	-0,34%
SASX-10	1.029,88	1.034,70	0,47%
SASX-30	1.050,99	1.042,20	-0,84%

SASX-10

BIFX

SASX-30

TOP DESET EMITENATA JUNI 2011)

rb	Emitent	Promet u periodu (KM)	Broj VP	Broj transakcija	Posljednja cijena prethodnog perioda	Posljednja cijena perioda	Promjena
1	ZIF BIG Investiciona grupa d.d. Sarajevo	BIGFRK3	408.390	134	6,00	5,59	-6,83%
2	Elektro grupa d.d. Jajce	ELGJR	3.500	3	370,00	250,00	-32,43%
3	FBiH stara devizna štednja serija R	FBIHKR	935.523	30	60,00	62,00	3,33%
4	ZIF MI Group d.d. Sarajevo	MIGFRK2	132.120	61	4,16	4,30	3,37%
5	Bosnalijek d.d. Sarajevo	BSNLR	44.225	108	13,49	12,95	-4,00%
6	ZIF Herbos fond dd Mostar	HRBFRK2	87.280	20	5,90	5,96	1,02%
7	FBiH stara devizna štednja serija N	FBIHKN	488.835	158	80,48	80,68	0,25%
8	FBiH stara devizna štednja serija P	FBIHKP	555.161	70	70,00	67,00	-4,29%
9	JP Elektroprivreda BIH dd Sarajevo	JPESR	12.069	43	29,80	28,40	-4,70%
10	FBiH stara devizna štednja serija O	FBIHKO	458.976	121	71,86	70,00	-2,59%

BIZNIS VIJESTI

Telekom RS: Za dividendu 57 miliona KM ili 0,11 KM po dionici

Elektroprivreda BiH kupuje dionice hotela u Makarskoj

Elektroprivreda HZHB: za dividendu predviđeno 16 milion KM ili 2,17 KM po dionici

Ugovor o kupoprodaji se raskida, Krivaja se vraća u vlasništvo države

Nadzornom odboru Razvojne banke smanjene novčane naknade

Inpek Zenica pred stečajem: Hljeb nije isporučen, jer u preduzeću nije bilo brašna

Velika materijalna šteta: Požar u fabrici namještaja Konjuh Živinice

Poražavajući rezultati u BH Airlinesu: Gubitak povećan nakon što je bh. firmu dokapitalizirao Turkish Airlines

Elektroprivreda BiH ulaže 83 miliona KM u rudnike

Generalni štrajk u Željeznicama RS: Radnici štrajkuju zbog neisplaćenih plata, zadnju platu primili za januar

Igman d.d. Konjic: na osnovu odluke o pokriću gubitka društvo smanjilo osnovni kapital na 10.402.940,82 KM

Dodijeljene Kristalne prizme: UniCreditu nagrada za najbolju banku

Pripreme u jeku: U julu otvaranje prvog McDonald's restorana u BiH

Povratak otpisanih: Jablanički "Granit" ponovo pokreće pogone

FERK dao zeleno svjetlo: Od 1. jula veće cijene električne energije

Zbog poništenja tendera: Naplatne kućice u Podlugovima počinju s radom tek iduće godine

Žica priprema teren: Bauhaus ove godine počinje gradnju objekta u Sarajevu

Poznati trgovački lanac specijaliziran za ponudu alata i građevinskog materijala Bauhaus do kraja ove godine trebao bi početi sa izgradnjom prvog maloprodajnog centra na tržištu Bosne i Hercegovine. Objekat će se graditi u sarajevskoj općini Novi Grad, na zemljištu koje je Njemcima prodala fabrika za proizvodnju vučene žice i čelične užadi "Žica" iz Sarajeva.

Kako je potvrdio Hrusto Tupeković, direktor kompanije "Žica", ugovor sa njemačkim investitorom o prodaji zemljišta ukupne površine 40.000 metara kvadratnih potpisan je još u decembru prošle godine. Tupaković nije želio otkrivati finansijske detalje ugovora, ali je naveo da je Žica ovom saradnjom dobila značajnu materijalnu korist.

"Naša obaveza jeste da pripremimo lokaciju i obezbijedimo građevinsku dozvolu. Uskoro počinjemo sa rušenjem objekata koji se zbog smanjenog obima proizvodnje već duže vrijeme ne koriste, a svoje kapacitete premještamo na preostali dio lokacije. Čišćenje terena trebalo bi biti gotovo do kraja septembra, kako bi Bauhaus najkasnije do kraja ove godine počeo sa izgradnjom novog objekta", rekao je Tupeković.

Vispak postigao rekordne rezultate

Samo u maju ove godine Vispak je na tržište plasirao proizvode u vrijednosti od 2.411.483,90 KM, što je za 76% više u odnosu na isti period lani, dok je ukupna vrijednost proizvodnje iznosila 2.464.376 KM. Od momenta preuzimanja prehrambene industrije Vispak, na čijem čelu se nalazi novi menadžment predvođen direktorom Rusmirom Hrvicom, većinski vlasnik AS d.o.o. Tešanji uspio je povećati obim proizvodnje za oko 30%.

"Razlog za ovako brzu konsolidaciju, pozitivne i pomalo iznenađujuće rezultate Vispaka, objašnjavam prije svega domaćinskim odnosom prema poslovanju, veoma kvalitetnoj distribuciji, novom motiviranošću i angažmanom naših radnika u Vispaku i cijeloj Grupaciji, kao i raznovrsnošću prodajnih aktivnosti na tržištu i tržišnoj poziciji koju ima AS d.o.o. od ranije. Velikim ulaganjem u Vispak koje smo izvršili 2010. godine načinjen je strateški potez, čime smo se promovirali u regionalnog lidera u proizvodnji konditorskih proizvoda i kafe. S druge strane, u Vispaku smo se susreli sa tipičnim problemima za našu poslovnu stvarnost. Preduzeće je bilo nelikvidno, doprinosi za radnike nisu bili uplaćeni, obim proizvodnje je bio u padu, itd. I pored toga, rezultati koje već sada postizemo dovoljan su argument kako možemo biti zadovoljni razvojem poslovanja. Ponukani pozitivnim učincima, ali i šansama koje prepoznajemo na tržištu, korigirali smo naš kratkoročni cilj. Naime, do kraja ove godine namjeravamo ostvariti veću prodaju od one koja je zabilježena u Vispaku prije rata, dakle rekordne 1991., a koja je svih ovih godina bila nedostižna", pojašnjava Rusmir Hrvic direktor Vispaka i vlasnik AS d.o.o.

AS Grupaciju sačinjavaju četiri preduzeća: AS iz Jelaha, Vispak iz Visokog, Napredak iz Tešanja i Vemal iz Tešanja. AS Grupacija zapošljava ukupno 900 radnika..